

GUITS NE PXEEL PABL LO FILEMÓN

¡Diuzh Filemón!

¹ Naa nac Pabl, laa naa no ladzguiib nu loxaque ne quiayuŋ naa xtsiin Jesúš; grop no Timoté laa no rquia guits rii.

Laa no rxeeła lo luu goŋ Filemón, ne nligaa rleynie no luu squi ye luu noyuŋ xtsiin Jesúš.

² Laaw ziaad lo to i gza to bzian ne Apia, bets ne Arquip tib zha ne noyuŋa que dзиin rii, ni grëraa zha bets, zha bzian ne rcaalsa lidz luu i.

³ Dios, men ne nac Pxoz ne, ni Jesúš men ndzon ne rnabey, me glu gaňle pa lotaa noxco me to, zeeŋa peet zhgab ctsebde to.

⁴ Ib rriaanladzd naa luu, zeeŋe rzodiidznie naa Dios, tibaque rded naa xquizh lo me squitaa noneedz me guielbiini lo luu. ⁵ Sac ziyonle naa squitaa dib zdoo luu rliladz luu Jesúš, rleynie luu me, ni scaque rleynie luu grë zha ne ngab lo me.

⁶ Rnab naa lo Dios, grëse miŋe noseed luu grë zha ne no i, tsoguic zhōw, zeeŋa ygaa zho grëse guielnzaac ne rdeed Jesúš lo grë zha ne ngab lo me.

⁷ Rley naa goŋ bets, sac zigtaa naa zigtagaar grëraa zha ne ngab lo Diosa, blactaa ziechoobladz luu, zigonley luu zdoo no, rlu luu gaňle nli rleynie luu no.

⁸ Niicle ne rieguiala gnabey naa luu miŋe racladz naa guŋ luu, sac goŋ Jesúš bzo naa none naa Xtiidz me, ⁹ per gnabeyd naa luu, sinque laa naa rnab lo luu yquiaadiag luu gaňle zha racladz

naa; sac gon ndion ne zigne rleynie naa luu, scaque luu rleynie luu naa. (Gon gaŋle, mengol ne nac Pabl nu nonee lo luu, laa naa nioogyu nu loxaque ne quiayuŋ naa xtsiin Jesús.) ¹⁰ Niina gon ne laa Onésimo glanso lidz luu i stib, bzhiguiel zaacse pcaania me, gon gaŋle rrieequia mëēd nac me lo naa niina, sac nu leŋ ladzguiib nu bne naa Xtiidz Dios lo me, xquizhgaa Dios bliladz mew.

¹¹ Nli glo tib zha peet xtsiind nac me lo luu, saŋgue niina gon, zigtaa lo luuw zntagaa lo naaw nroob yudar ne gun me. ¹² Laa me biire ziaad lo luu i, niowse pcaania me; masaque been cuent naa i zial i. ¹³ Gocladz naa mbëz me lo naa næz rii, zeeŋa me niun dziin lo naa nu xcuent luu, ne znu nioogyu naa nu loxaque ne noseed naa miech Xtiidz Ndzon Jesús. ¹⁴ Per gocladzd naa niunga naa miŋe no guic naa, ni naqnd naa dien pe gnë luu; gane ni naa mazd telne zrieelow, per zdoo luu gala.

¹⁵ Nli laa Onésimo biche lo luu palal dze; per niina ne laa me glanso lo luu stib, lëe guiaanle me lo luu i. ¹⁶ Per bien gon, sacdraa luu me niina zig tib zha ne runse xtsiin luu, gon gaŋle rrieequia tib bets luu i, tib zha ne nziuu lo luu i nac me. Tel naa, sca rzaac naa me, gacxe waa none gleynie luu me; sac gon tel niina, led loxaque tib ngundziindse nac me lo luu, sinque ye tib bets luu nac me, sac gon yele me ngab lo Dios.

¹⁷ Telne nlipaa rzac luu naa zig tib bets luu, porne tibaque men ne rliladz ne, nana sca been cuent naa i zial i, pcaania me zig nac zeeŋe naa glanso lidz luu. ¹⁸ Ni tel no pe guielqui ne been

me lidz luu, tel pe zëëbgaa me lo luu, lo naa bnaba. ¹⁹ Wi gaṇle, naazhal pquia diidz rii nu: Naa quizha. ¡Zig nac luu, gon̄ ganle zëëble luu lo naa, ni haxta nroobraa zëëb luu! Sac gon̄, naa bnee Xtiidz Dios lo luu laa luu bgaa guielmban ndzon ne gdziṇd dze lozh.

²⁰ Sca gon̄ bets gaca, bzhiguieł been̄ guielnzaac co; bloonley zdoo naa, bien̄ ganle tibaque lo men̄ ne ngab ne.

²¹ Laa naa pxel guits rii lo luu, sac rien̄ naa ible zon luu miṇe rne naa lo luu nu, rgobey naa haxta nroobraa miṇe gun̄ luu lo miṇe rnab naa. ²² Lëe nëzle nu rnabaque naa lo luu, siguię luu gneedz luu lidz luu cuëz naa zeen̄ laa naa guial i; sac rien̄ naa ib zuṇ Dios miṇe quianab to lo me, zneedz me diidz guial naa guialgaṇ naa to.

²³ ¡Dios guiaaṇnie luu sca! Pcaania zhibdiuzh Epafr, men̄ ne nioogyunie naa len̄ ladzguiib nu loxaque ne rdziuṇ no xtsiin Jesús. ²⁴ Scaquegaa zla zha ne quiadziuṇza no dziin, zig nac Marcw, Ristarc, Demas ni Luc, gza zho laa zho rxeel bdiuzh lo luu.

²⁵ Jesús men̄ ne rnabey ne, me glu ganle pa lotaa noxco me luu. ¡Me gun̄lay luu!

Pabl

**Diidz ne rdeed guielmban
New Testament in Zapotec, Mixtepec
(MX:zpm:Zapotec, Mixtepec)**

copyright © 1998 Wycliffe Bible Translators, Inc.

Language: Mixtepec Zapotec (Zapotec, Mixtepec)

Translation by: Wycliffe Bible Translators, Inc.

Zapoteco, Mixtepec [zpm], Mexico

Copyright Information

© 1998, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Mixtepec

© 1998, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 11 Nov 2022 from source files
dated 29 Jan 2022
5317ca58-7555-5e4c-a420-e1e9210e2df2